



Broj: 01-148/22
Vareš, 30.06.2022. godine

Z A P I S N I K
sa 16. sjednice Općinskog vijeća Vareš,
održane 30.05. 2022. godine

Predsjedavajuća OV pozdravila je sve prisutne.

Izvršena je prozivka vijećnika.

Prisutni vijećnici: Mirnes Ajanović, Sahudina Beganović, Nurdin Begović, Maja Berberović, Mahira Brkić, Amela Brkić, Asmir Čizmo, Dario Dodik, Zdenko Franjić, Nazif Hajrić, Igor Hinger, Šaban Ibršimović, Emir Islamović, Salih Memić, Mario Mirčić, Nedžad Mušanović, Malik Rizvanović, Nikola Šimić i Edib Zubača.

Odsutni: Nema.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 16. sjednicu s početkom u 15.00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici načelnika - gosp. Ermin Musa, gosp. Ibrahim Spahić, rukovodilac JURA – gosp. Rusmir Berberović, ispred Službe za privredu, finansije i trezor – gosp. Mirza Fatić, direktor JP Veterinarska stanica d.o.o. Vareš – gosp. Suljo Abadžija, direktorica JU Centar za kulturu i edukaciju Vareš – gosp. Šeila Musa Kapetanović i predstavnici medija.

Sekretar OV Leon Pavlović izvijestio je Vijeće da je na 15. sjednici OV održanoj 26.04.2022. godine, Vijeće donijelo četiri (4) Zaključka, jedan (1) Zaključak je realizovan, tri (3) Zaključka su u toku realizacije. Postavljeno je deset (10) vijećničkih pitanja. Na sva pitanja je odgovoreno. Podnosiocima pitanja i svim ostalim vijećnicima dostavljeni su pisani odgovori na vijećnička pitanja.

Općinski načelnik Zdravko Marošević pod aktuelnim pitanjima upoznao je prisutne o dešavanjima na našoj općini. Delegacija ispred Općine Vareš bila je u zvaničnoj posjeti u Općini Bašiskele Turska gdje je potpisan Protokol o saradnji, otvorena je poliklinika Eurofarm, predstavnici Općine Vareš stručni saradnik za ruralni razvoj poljoprivrede Dženan Džafo i privatni poduzetnik u oblasti poljoprivrede Salih Memić bili su prisutni na Skupštini međunarodne unije poljoprivrednih gradova u mjestu Konya Turska, gdje je Općina Vareš postala članica poljoprivrednih gradova. Također je upoznao Vijeće o manifestaciji „Susreti kraljevskih gradova Vareša i Jajca“ na kojoj su bili i predstavnici ispred Općine Vareš. Vijećnici Općinskog vijeća bili su u posjeti firmi „Eastern Mining“. Općinu Vareš posjetili su

premijer FBiH gosp. Fadil Novalić i premijer ZDK gosp. Mirnes Bašić u vezi nastavka razgovora cestovnog povezivanja Vareša i Olova.

(Izjašnjavanje vijećnika o dobivenom odgovoru)

Nije bilo izjašnjavanja vijećnika.

(Vijećnička pitanja)

Emir Islamović

1. Pitanje se odnosi na sanaciju dijela puta koji vodi prema novom parking prostoru. Zamoljen sam od strane mještana da općina interveniše i trajno riješi problem oko parking prostora. Sanirati na najprihvatljiviji način, da bude betonirano ili da bude asfaltirano. (dato je pojašnjenje)

Dario Dodik

2. Pitanje se odnosi na vodovod Pogar. U kojoj je fazi i da li je završen tehnički prijem istog? Pošto je rečeno da će biti završeno do kraja maja.
3. Pitanje postavljam Službi za prostorno uređenje. Da li je završen projekat parking prostora na izlazu ulice Put Mira? Postoji li mogućnost da se taj projekat završi u ovom mandatu? Na pitanje tražim pisani odgovor.

Amela Brkić

4. Kada možemo očekivati sanaciju dječjeg igrališta u Varešu, jer je isto u katastrofalnom stanju?

Inicijativa

Vijećnik Salih Memić podnio je Inicijativu koja se odnosi na uklanjanje stabala jablana pored regionalnog puta u Dabrinama.

Predsjedavajuća OV stavila je na raspravu Zapisnik sa 15. sjednice OV.

Nije bilo primjedbi i predsjedavajuća OV stavila je na izjašnjavanje Zapisnik sa 15. sjednice OV i nakon izjašnjavanja vijećnika konstatuje da je **jednoglasno sa 19 glasova „ZA“ usvojen Zapisnik sa 15. sjednice OV.**

Predsjedavajuća OV stavila je na raspravu prijedlog dnevnog reda za **16. sjednicu OV** koji je usaglašen na Kolegiju Općinskog vijeća.

Predsjedavajuća OV uz dato pojašnjenje predložila je da predložena tačka 7. „Prijedlog Rješenja o imenovanju vršioca dužnosti predsjednika Upravnog odbora JU Dom zdravlja Vareš“ glasi: Prijedlog Rješenja o imenovanju vršioca dužnosti predsjednika i vršioca dužnosti člana Upravnog Odbora JU Dom zdravlja Vareš.“

Nije više bilo prijedloga i predsjedavajuća OV stavila je na izjašnjavanje prijedlog dnevnog reda 16. sjednice OV sa izmjenom naziva 7. tačke dnevnog reda i nakon izjašnjavanja vijećnika konstatuje da **je jednoglasno sa 19 glasova „ZA“ usvojen sljedeći**

Dnevni red

1. Izvještaj o radu JP Veterinarska stanica d.o.o. Vareš za 2021. godinu.
Izvjestilac: Direktor JP Veterinarska stanica d.o.o. Vareš.
2. Izvještaj o radu JU Centar za kulturu i edukaciju Vareš za 2021. godinu.
Izvjestilac: Direktorica JU Centar za kulturu i edukaciju Vareš.
3. Izvještaj/Izvješće o izvršenju budžeta/proračuna Općine Vareš za period januar/siječanj – mart/ožujak 2022. godine.
Izvjestilac: Općinski načelnik.
4. Prijedlog Odluke o prodaji nekretnine radi oblikovanja građevinske parcele Medžlisu islamske zajednice Vareš (k.č. broj 1188/2 u površini od 50 m²).
Izvjestilac: Ermin Musa.
5. Prijedlog Odluke o utvrđivanju visine naknade predsjedniku i članovima Upravnih odbora Javnih ustanova čiji je osnivač Općina Vareš.
Izvjestilac: Općinski načelnik.
6. Prijedlog Rješenja o razrješenju člana Upravnog odbora JU Dom zdravlja Vareš.
Izvjestilac: Sekretar OV.
7. Prijedlog Rješenja o imenovanju vršioca dužnosti predsjednika i vršioca dužnosti člana Upravnog odbora JU „Dom zdravlja“ Vareš.
Izvjestilac: Sekretar OV.
8. Prijedlog Rješenja o razrješenju predsjednika i članova Skupštine:
a) Javnog komunalnog preduzeća d.o.o. Vareš,
b) Javnog preduzeća „Vareš-stan“ d.o.o. Vareš,
c) Javnog preduzeća „Veterinarska stanica“ d.o.o. Vareš.
Izvjestilac: Sekretar OV.
9. Prijedlog Rješenja o imenovanju predsjednika i članova Skupštine Javnog komunalnog preduzeća d.o.o. Vareš.
Izvjestilac: Sekretar OV.
10. Prijedlog Rješenja o imenovanju vršilaca dužnosti predsjednika i članova Skupštine:
a) Javnog preduzeća „Vareš-stan“ d.o.o. Vareš.
b) Javnog preduzeća „Veterinarska stanica“ d.o.o. Vareš.
Izvjestilac: Sekretar OV.
11. Izvještaj o realizaciji Strategije razvoja Općine Vareš za period 2017-2026. godine za 2021. godinu.
Izvjestilac: Rusmir Berberović.

12. Izvještaj Komisije za procjenu prometne vrijednosti nekretnina za 2021. godinu.
Izjestilac: Predsjednica Komisije.
13. Izvještaj o stanju zaštite od požara na području općine Vareš sa akcentom na realizaciju Plana zaštite od požara.
Izjestilac: Ibrahim Spahić.
14. Informacija o zimskom održavanju lokalnih i regionalnih puteva i gradskih ulica.
Izjestilac: Ermin Musa.
15. Tekuća pitanja.

Ad. 1.

(Izvještaj o radu JP Veterinarska stanica d.o.o. Vareš za 2021. godinu.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj je vijećnik Nedžad Mušanović ispred Kluba SDA iznio pozitivno mišljenje za ovu tačku dnevnog reda.

Zaključena je rasprava i predsjedavajuća OV stavila je na izjašnjavanje Izvještaj o radu JP Veterinarska stanica d.o.o. Vareš za 2021. godinu.

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ prihvaćen**

Izvještaj o radu JP Veterinarska stanica d.o.o. Vareš za 2021. godinu.

Ad. 2.

(Izvještaj o radu JU Centar za kulturu i edukaciju Vareš za 2021. godinu.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Igor Hinger (*skrenuo pažnju da se do početka zime pokuša riješiti grijanje u ustanovi*), Mirnes Ajanović (*postavio pitanje u kakvom je stanju kino sala i sugerisao da se iznađe način i riješi problem koji nastaje prilikom održavanja manifestacija u prolazu do ustanove od strane nesavjesnih posjetitelja, o istom je dao pojašnjenje*) i predsjednik Upravnog odbora JU Rusmir Berberović koji je dao odgovore na postavljena pitanja.

Zaključena je rasprava i predsjedavajuća OV stavila je na izjašnjavanje Izvještaj o radu JU Centar za kulturu i edukaciju Vareš za 2021. godinu.

Nakon izjašnjavanja vijećnika predsjedavajuća OV konstatuje da je **sa 12 glasova „ZA“ i 7 „SUZDRŽANIH“ glasova prihvaćen**

Izvještaj o radu JU Centar za kulturu i edukaciju Vareš za 2021. godinu.

Ad.3.

(Izveštaj/Izvešće o izvršenju budžeta/proračuna Općine Vareš za period januar/siječanj – mart/ožujak 2022. godine.)

Komisija za privredu, finansije i budžet na 7. sjednici održanoj 25.05.2022. godine jednoglasno je donijela sljedeći Zaključak.

Komisija nema primjedbi, daje pozitivno mišljenje na Izveštaj/Izvešće o izvršenju budžeta/proračuna Općine Vareš za period januar/siječanj-mart/ožujak 2022. godine i isti se upućuje Vijeću na razmatranje.

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, primjedbe i pitanja iznijeli vijećnici: Dario Dodik (*postavio je pitanje ko je odgovoran za nerealizaciju projekata za sanaciju starog grada Bobovca i projekat rekonstrukcije i opremanja kotlovnice Radničkog doma za koja su nadležna ministarstva dodijelila Općini sredstva, a Općina je ista vratila ministarstvima iz razloga što projekti nisu realizovali*), Emir Islamović (*sugeriše da se krene sa realizacijom projekata za koje je Općina dobila sredstva, trezorskim poslovanjem, pitanje kada će doći do pomaka na infrastrukturnim projektima?*), Zdenko Franjić, Mahira Brkić, Općinski načelnik Zdravko Marošević (*dao je pojašnjenja i odgovore u vezi razloga zbog kojih projekti nisu realizovani, upoznao je prisutne o dugovanjima iz ranijih perioda/mandata koja su u velikom dijelu izmirena*), Dario Dodik (*replika*), Općinski načelnik (*replika*) i Sahudina Beganović.

Zaključena je rasprava i predsjedavajuća OV stavila je na izjašnjavanje Izveštaj/Izvešće o izvršenju budžeta/proračuna Općine Vareš za period januar/siječanj – mart/ožujak 2022. godine.

Nakon izjašnjavanja vijećnika predsjedavajuća OV konstatuje da je sa **11 glasova „ZA, 1 glasom „PROTIV“ i 7 „SUZDRŽANIH“** usvojen

Izvešće o izvršenju budžeta/proračuna Općine Vareš za period januar/siječanj – mart/ožujak 2022. godine.

Ad.4.

(Prijedlog Odluke o prodaji nekretnine radi oblikovanja građevine parcele Medžlisu islamske zajednice Vareš (k.č. broj 1188/2 u površini od 50 m²).

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoje prijedloge, mišljenja i pitanja iznijeli vijećnici: Dario Dodik (*uz dato obrazloženje iznio je svoje mišljenje da se zemljište ne prodaje nego da se da na korištenje*), Općinski načelnik Zdravko Marošević (*dao je dodatno pojašnjenje i izjavio da će sa Službom provjeriti stanje –širinu prolaza prema naselju Zukići vezano za diskusiju vijećnika Daria Dodika.*), Dario Dodik (*replika*), Mahira Brkić (*iznijela je svoje mišljenje da je bitno da za ovu tačku dnevnog reda ima Mišljenje općinskog pravobranilaštva, nalaz sudskog vještaka građevinske struke i da Služba stoji iza ovog prijedloga Odluke*) i Mario Mirčić (*da Služba osigura dovoljan prolaz za stanovnike naselja Zukići*).

Zaključena je rasprava i predsjedavajuća OV stavila je na izjašnjavanje Prijedlog Odluke o prodaji nekretnine radi oblikovanja građevinske parcele Medžlisu islamske zajednice Vareš (k.č. broj 1188/2 u površini od 50 m²).

Nakon izjašnjavanja vijećnika predsjedavajuća OV konstatuje da je **sa 17 glasova „ZA“ i 1 „SUZDRŽANIM“ glasom** (odsutan vijećnik Nurdin Begović) **usvojena**

***Odluka o prodaji nekretnine radi oblikovanja građevinske parcele
Medžlisu islamske zajednice Vareš (k.č. broj 1188/2 u površini od 50 m²).***

Ad.5.

***(Prijedlog Odluke o utvrđivanju visine naknade predsjedniku i članovima
Upravnih odbora Javnih ustanova čiji je osnivač Općina Vareš.)***

Komisija za statutarne pitanja i propise na 13. sjednici održanoj 26.05.2022. godine jednoglasno je donijela sljedeći Zaključak:

Komisija nema primjedbi na Prijedlog Odluke o utvrđivanju visine naknade predsjedniku i članovima Upravnih odbora Javnih ustanova čiji je osnivač Općina Vareš i isti upućuje Vijeću na razmatranje i usvajanje.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o utvrđivanju visine naknade predsjedniku i članovima Upravnih odbora Javnih ustanova čiji je osnivač Općina Vareš.

Nakon izjašnjavanja vijećnika predsjedavajuća OV konstatuje da je **jednoglasno (sa 18 glasova „ZA“)** (odsutan vijećnik Nurdin Begović) **usvojena**

***Odluka o utvrđivanju visine naknade predsjedniku i članovima
Upravnih odbora Javnih ustanova čiji je osnivač Općina Vareš***

Ad.6.

***(Prijedlog Rješenja o razrješenju člana
Upravnog odbora JU Dom zdravlja Vareš.)***

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o razrješenju člana Upravnog odbora JU Dom zdravlja Vareš.

Nakon izjašnjavanja vijećnika predsjedavajuća OV konstatuje da je **jednoglasno (sa 17 glasova „ZA“)** (odsutni vijećnici Nurdin Begović i Malik Rizvanović) **usvojeno**

***Rješenje o razrješenju člana
Upravnog odbora JU Dom zdravlja Vareš.***

Ad.7.

(Prijedlog Rješenja o imenovanju vršioca dužnosti predsjednika i vršioca dužnosti člana Upravnog odbora JU Dom zdravlja Vareš.)

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o imenovanju vršioca dužnosti predsjednika i vršioca dužnosti člana Upravnog odbora JU Dom zdravlja Vareš.

Nakon izjašnjavanja vijećnika predsjedavajuća OV konstatuje da **je sa 11 glasova „ZA“ i 7 „SUZDRŽANIH glasova** (odsutan vijećnik Igor Hinger) **usvojeno**

Rješenje o imenovanju vršioca dužnosti predsjednika i vršioca dužnosti člana Upravnog odbora JU Dom zdravlja Vareš.

Ad.8.

(Prijedlog Rješenja o razrješenju predsjednika i članova Skupštine:

- a) Javnog komunalnog preduzeća d.o.o. Vareš,***
- b) Javnog preduzeća „Vareš-stan“ d.o.o. Vareš,***
- c) Javnog preduzeća „Veterinarska stanica“ d.o.o. Vareš.)***

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o razrješenju predsjednika i članova Skupštine Javnog komunalnog preduzeća d.o.o. Vareš.

Nakon izjašnjavanja vijećnika predsjedavajuća OV konstatuje da **je jednoglasno (sa 17 glasova „ZA“)** (odsutni vijećnici Maja Berberović i Igor Hinger) **usvojeno**

Rješenje o razrješenju predsjednika i članova Skupštine Javnog komunalnog preduzeća d.o.o. Vareš.

Predsjedavajuća OV stavila je na izjašnjavanje Prijedlog Rješenja o razrješenju predsjednika i članova Skupštine Javnog preduzeća „Vareš-stan“ d.o.o. Vareš.

Nakon izjašnjavanja vijećnika predsjedavajuća OV konstatuje da **je jednoglasno (sa 17 glasova „ZA“)** (odsutni vijećnici Maja Berberović i Igor Hinger) **usvojeno**

Rješenje o razrješenju predsjednika i članova Skupštine Javnog preduzeća „Vareš-stan“ d.o.o. Vareš.

Predsjedavajuća OV stavila je na izjašnjavanje Prijedlog Rješenja o razrješenju predsjednika i članova Skupštine Javnog preduzeća „Veterinarska stanica“ d.o.o. Vareš.

Nakon izjašnjavanja vijećnika predsjedavajuća OV konstatuje da **je jednoglasno (sa 18 glasova „ZA“)** (odsutna vijećnica Maja Berberović) **usvojeno**

Rješenje o razrješenju predsjednika i članova Skupštine Javnog preduzeća „Veterinarska stanica“ d.o.o. Vareš.

Ad.9.

(Prijedlog Rješenja o imenovanju predsjednika i članova Skupštine Javnog komunalnog preduzeća d.o.o. Vareš.)

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o imenovanju predsjednika i članova Skupštine Javnog komunalnog preduzeća d.o.o. Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojeno**

Rješenje o imenovanju predsjednika i članova Skupštine Javnog komunalnog preduzeća d.o.o. Vareš.

Ad.10.

(Prijedlog Rješenja o imenovanju vršilaca dužnosti predsjednika i članova Skupštine:

a) Javnog preduzeća „Vareš-štan“ d.o.o. Vareš.

b) Javnog preduzeća „Veterinarska stanica“ d.o.o. Vareš.)

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o imenovanju vršilaca dužnosti predsjednika i članova Skupštine Javnog preduzeća „Vareš-štan“ d.o.o. Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojeno**

Rješenje o imenovanju vršilaca dužnosti predsjednika i članova Skupštine Javnog preduzeća „Vareš-štan“ d.o.o. Vareš.

Predsjedavajuća OV stavila je na izjašnjavanje Prijedlog Rješenja o imenovanju vršilaca dužnosti predsjednika i članova Skupštine Javnog preduzeća „Veterinarska stanica“ d.o.o. Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojeno**

Rješenje o imenovanju vršilaca dužnosti predsjednika i članova Skupštine Javnog preduzeća „Veterinarska stanica“ d.o.o. Vareš.

Predsjedavajuća OV dala je pauzu u trajanju 15 minuta.

Nastavljeno je sa radom sjednice.

Ad.11.

***(Izveštaj o realizaciji Strategije razvoja
Općine Vareš za period 2017-2026. godine za 2021. godinu.)***

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Izveštaj o realizaciji Strategije razvoja Općine Vareš za period 2017-2026. godine za 2021. godinu.

Nakon izjašnjavanja vijećnika predsjedavajuća OV konstatuje da **je jednoglasno sa 19 glasova „ZA“ usvojen**

***Izveštaj o realizaciji Strategije razvoja
Općine Vareš za period 2017-2026. godine za 2021. godinu.***

Ad.12.

***(Izveštaj Komisije za procjenu
prometne vrijednosti nekretnina za 2021. godinu.)***

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Izveštaj Komisije za procjenu prometne vrijednosti nekretnina za 2021. godinu.

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojen**

***Izveštaj Komisije za procjenu prometne
vrijednosti nekretnina za 2021. godinu.***

Ad.13.

***(Izveštaj o stanju zaštite od požara na području
općine Vareš sa akcentom na realizaciju Plana zaštite od požara.)***

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj je vijećnik Nedžad Mušanović iznio svoje mišljenje i izjavio da Klub SDA prihvata Izveštaj.

Zaključena je rasprava i predsjedavajuća OV stavila je na izjašnjavanje Izveštaj o stanju zaštite od požara na području općine Vareš sa akcentom na realizaciju Plana zaštite od požara.

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojen**

***Izveštaj o stanju zaštite od požara na području
općine Vareš sa akcentom na realizaciju Plana zaštite od požara.***

Ad.14.

(Informacija o zimskom održavanju lokalnih i regionalnih puteva i gradskih ulica.)

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

Informaciju o zimskom održavanju lokalnih i regionalnih puteva i gradskih ulica.

Ad.15.

(Tekuća pitanja.)

Predsjedavajuća OV upoznala je prisutne sa pristiglom poštom i to.

1. Molba za pomoć pri liječenju Mahmutović Mirsada Budoželje bb Vareš, dostavljena 30.05.2022. godine.

Predsjedavajuća OV uz pojašnjenje predložila je da Vijeće donese Odluku za pomoć u iznosu od 5.000,00 KM.

Predsjedavajuća OV nakon izjašnjavanja vijećnika konstatuje da je Vijeće **jednoglasno sa 19 glasova „ZA“ donijelo**

Odluku o dodjeli novčane pomoći Mirsadu Mahmutović.

2. Molba u vezi rješavanja problema lokalnog puta Duboštica-Pogar dostavljena od MZ Duboštica broj: 7/22 od 24.05.2022. godine. Molba je dostavljena JP ŠPD ZDK d.o.o. Zavidovići i Šumariji Olovo.

Općinski načelnik Zdravko Marošević u svom obraćanju izjavio je da je upoznat sa problemom, da je i ranije reagovao, slao inspektora, ali to se stalno ponavlja. Izjavio je da će uputiti oštro pismo na sve nadležne adrese u vezi uništavanja lokalnih puteva od strane Šumarije prilikom izvlačenja drvenih sortimenata.

U raspravi su učestvovali vijećnici: Mahira Brkić, Nikola Šimić, Emir Islamović i Igor Hinger.

Nakon rasprave i iznesenih prijedloga Općinskog načelnika i vijećnika, predsjedavajuća OV predložila je i stavila na izjašnjavanje sljedeći prijedlog

Zaključka:

-Općinsko vijeće traži od JP „ŠPD – ZDK“ d.o.o. Zavidovići da hitno pristupi sanaciji puta Duboštica-Pogar, općina Vareš, te da ubuduće prilikom izvođenja radova vodi računa da se ne pravi šteta na lokalnim putevima, a ukoliko se napravi, da se hitno sanira (da put zbog sigurnosne situacije mora biti prohodan u svakom momentu za sva vozila tj. 24 sata) te da se striktno moraju pridržavati projekta o izvođenju radova, inače ćemo mi kao Općinsko vijeće biti prinuđeni da izvršimo prijavu davaocu FSC sertifikata.

-Da ubuduće prilikom ulaska u odjele na teritoriji općine Vareš, JP „ŠPD – ZDK“ d.o.o. Zavidovići obavezno obavijesti Općinu Vareš, nakon čega je Općina dužna obavijestiti Mjesnu zajednicu na čijem području će se izvoditi radovi. Nakon naprijed navedenih radnji formirat će se Komisija čiji će zadatak biti da napravi Protokol (Zapisnik) o trenutnom stanju (stanje na dan sačinjavanja Protokola), a u slučaju nastalih oštećenja sanacija mora biti izvršena u što kraćem roku i dovesti se u stanje koje je zatečeno prije izvođenja radova.

-Ovaj Zaključak stupa na snagu danom donošenja.

Nakon izjašnjavanja vijećnika predsjedavajuća OV konstatuje da **je jednoglasno sa 19 glasova „ZA“ usvojen predloženi Zaključak.**

3. Zahtjev za očitovanje u vezi utvrđivanja i priznavanja prava suvlasništva na nekretninama upisanim u zemljoknjižnom ulošku broj 747 k.o. Vareš, dostavljen od Zorana Lukića ulica Zvijezda 63 G blok Vareš od 26.05.2022. godine.

Općinski načelnik Zdravko Marošević u svom obraćanju uz dato pojašnjenje izjavio je da Općinsko vijeće nije nadležno za rješavanje ovog zahtjeva i da će Općina Vareš po istom postupati u skladu sa svojim ovlastima i eventualnim uputama drugih institucija. Od Općinskog pravobranilaštva i Službe za prostorno uređenje tražit će se očitovanje o Zahtjevu.

Predsjedavajuća OV konstatuje da će Vijeće tražiti očitovanje od Općinskog pravobranilaštva i Službe za prostorno uređenje kako bi se znao dalji postupak.

4. Molba za hitnu urgenciju i pomoć (zaštita sigurnosti lica i imovine na putu-ulica Nikovac prema Selištu i prugi, te objekta u kome stanuje Brđanović Tihomir Nikovac br. 5), dostavljena od Brđanović Tihomira Nikovac br. 5 Vareš od 06.05.2022. godine. Služba za prostorno uređenje je dostavila Izjašnjavanje po Molbi broj. 02/3-1091/22 od 16.05.2022. godine.

Općinski načelnik Zdravko Marošević u svom obraćanju iznio je svoje mišljenje i izjavio da bi trebalo pokušati sa vlasnicima iznaći rješenje kako bi se objekat obnovio i sačuvao i da će Služba obaviti razgovor sa vlasnicima objekta. Vijećnik Dario Dodik je sugerisao da se kod objekta stave oznake upozorenja radi zaštite građana.

Predsjedavajuća OV na osnovu diskusije Općinskog načelnika i sugestije vijećnika predložila i stavila na izjašnjavanje sljedeći prijedlog

Zaključka:

-Zadužuje se Komunalni inspektor da na vidno mjesto istakne signalizaciju objekta-porodične kuće u ulici Nikovac u Varešu, u zemljištu označenu kao k.č.br.534 K.O. Vareš-vlasništvo Brković Maja 1/1. Objekat predstavlja potencijalnu opasnost za sigurnost okolnih objekata, komunalne infrastrukture, te sigurnost i zdravlje ljudi.

-Zadužuje se Služba za prostorno uređenje da stupi u kontakt sa vlasnicima, na osnovu izlaganja Općinskog načelnika i da o istom obavijesti OV (do slijedeće sjednice) kako bi se znao daljnji tok postupanja.

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“ (odsutan vijećnik Asmir Čizmo) usvojen predloženi Zaključak.**

5. Dopis CIK-e broj: 06-1-07-1-1036/22 od 11.05.2022. godine o davanju saglasnosti na Rješenje o razrješenju predsjednika i člana OIK Vareš, Rješenje o imenovanju dva člana OIK i Rješenje o imenovanju predsjednika OIK. (informativno)
6. Zahtjev za izdavanje saglasnosti Općinskog vijeća za dodjelu koncesije (nakon izvršenih korekcija), broj. 04-14-10461-1-5/21 od 25.04.2022. godine, dostavljen od Ministarstva za privredu ZDK (informativno-završeno).
7. Predsjedavajuća OV upoznala je Vijeće sa Protokolom koji je zvanično potpisan 29.04.2022. godine između Općine Vareš i Općine Bašiskele Turska.

Sastavni dio ovog Zapisnika je audio zapis sjednice.

Sjednica je završena u 17.55 sati.

S E K R E T A R

Leon Pavlović

ZAPISNIČAR

Azra Pijadžer

***PREDSJEDAVAJUĆA
OPĆINSKOG VIJEĆA***

Mahira Brkić